

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
VLADA**

Broj: 02-01-5903-3/12.  
Zenica, 22.03.2012. godine

**Z A P I S N I K**  
**sa 57. sjednice Vlade Zeničko-dobojskog kantona**  
**održane 15., 20. i 22.03.2012. godine**

Sjednica je održana u sali 109, prvi sprat u zgradi Kantona, dana 15.03.2012. godine, i trajala je od 10<sup>23</sup> do 13<sup>58</sup> sati; prvi nastavak je održan dana 20.03.2012. godine u sali 109, i trajao je od 8<sup>10</sup> do 9<sup>48</sup> sati; drugi nastavak sjednice je održan u sali 301, i trajao je od 12<sup>00</sup> do 12<sup>41</sup> sati.

Sjednici je predsjedavao Fikret Plevljak, premijer Zeničko-dobojskog kantona, osim dana 15.03.2012. godine u periodu od 10<sup>23</sup> do 10<sup>25</sup> sati, kada je sjednicu otvorila ministrica Bernadeta Galijašević, i od 12<sup>37</sup> do 13<sup>58</sup>, kada je sjednici predsjedavao ministar Samir Selimović, te dana 20.03.2012. godine u periodu 9<sup>45</sup> do 9<sup>48</sup> sati, kada je ministar Samir Selimović, kao predsjedavajući, i zatvorio sjednicu zbog nedostatka kvoruma.

Sjednici su prisustvovali članovi Vlade:

1. Jusuf Duraković, ministar Ministarstva za privredu, opravdano je odsutan dana 15.03.2012. godine, u periodu 11<sup>00</sup> do 11<sup>58</sup> sati,
2. Samir Selimović, ministar Ministarstva za poljoprivredu, šumarstvo i vodoprivredu,
3. Miroslav Penko, ministar Ministarstva za pravosuđe i upravu, opravdano odsutan dana 15.03.2012. godine, u periodu 12<sup>37</sup> -13<sup>58</sup> sati, i dana 20.03.2012. godine u periodu 9<sup>45</sup> -9<sup>48</sup> sati,
4. Amra Babić, ministrica Ministarstva finansija,
5. Rifat Delić, ministar Ministarstva unutrašnjih poslova,
6. Mirko Trifunović, ministar Ministarstva za rad, socijalnu politiku i izbjeglice, opravdano odsutan dana 20.03.2012. godine u periodu 9<sup>45</sup> do 9<sup>48</sup> sati,
7. Bernadeta Galijašević, ministrica Ministarstva za obrazovanje, nauku, kulturu i sport, opravdano odsutna dana 15.03.2012.g., u periodu 12<sup>37</sup> -13<sup>58</sup> sati, i dana 20.03.2012.g. u periodu 9<sup>45</sup>-9<sup>48</sup> sati,
8. Senka Balorda, ministrica Ministarstva zdravstva,
9. Raif Seferović, ministar Ministarstva za prostorno uređenje, promet i komunikacije i zaštitu okoline,
10. Suad Omerašević, ministar Ministarstva za boračka pitanja,

kao i:

1. Berjana Ačkar, sekretar Vlade,
2. Dženan Begović, šef Ureda premijera, izuzev dana 15.03.2012. g. u periodu 10<sup>25</sup> do 13<sup>54</sup> sati,
3. Mirsad Kadić, sekretar Sekretarijata za zakonodavstvo,
4. Jasna Ahmetspahić, portparol, a sa nastavaka sjednice opravdano je odsutna,
5. Azra Smailbegović-Đuherić, zapisničar.

Sjednici je dana 15.03.2012. g. prisustvovao Aleksandar Jović, OSCE-Terenski ured Zenica, te 20.03.2012. g. Dragan Vuković, takođe OSCE-Terenski ured Zenica.

Predsjedavajući je stavio na diskusiju predloženi

### **DNEVNI RED:**

1. Prijedlog Zakona o izvršavanju Budžeta Zeničko-dobojskog kantona za 2012. godinu, sa Prijedlogom Zaključka;
2. Prijedlog Budžeta Zeničko-dobojskog kantona za 2012. godinu, sa Prijedlogom Zaključka;
3. Izvještaj o radu Vlade Zeničko-dobojskog kantona za 2011. godinu, sa Prijedlogom Zaključka;
4. Prijedlog Zaključka o davanju saglasnosti Catholic Relief Services Sarajevo (CRS) da neutrošena sredstva utroše za nabavku sjemenskog materijala i đubriva za potrebe povratnika;

Predsjedavajuća je predložila dopunu dnevnog reda tačkama:

1. Prijedlog Zaključka o davanju saglasnosti na Odluku o izmjenama i dopunama Pravilnika o unutrašnjoj organizaciji i sistematizaciji radnih mjesta u Stručnoj službi Zavoda zdravstvenog osiguranja Zeničko-dobojskog kantona;
2. Prijedlog Zaključka o davanju saglasnosti Ministarstvu za obrazovanje, nauku, kulturu i sport za isplatu sredstava sa pozicije "Transfer za ustanove kulture" za treću ratu u 2012. godini.

Članovi Vlade su se saglasili sa predloženim dopunama, te je za sjednicu jednoglasno usvojen slijedeći

### **DNEVNI RED:**

1. Prijedlog Budžeta Zeničko-dobojskog kantona za 2012. godinu, sa Prijedlogom Zaključka;
2. Prijedlog Zakona o izvršavanju Budžeta Zeničko-dobojskog kantona za 2012. godinu, sa Prijedlogom Zaključka;
3. Izvještaj o radu Vlade Zeničko-dobojskog kantona za 2011. godinu, sa Prijedlogom Zaključka;
4. Prijedlog Zaključka o davanju saglasnosti Catholic Relief Services Sarajevo (CRS) da neutrošena sredstva utroše za nabavku sjemenskog materijala i đubriva za potrebe povratnika;
5. Prijedlog Zaključka o davanju saglasnosti na Odluku o izmjenama i dopunama Pravilnika o unutrašnjoj organizaciji i sistematizaciji radnih mjesta u Stručnoj službi Zavoda zdravstvenog osiguranja Zeničko-dobojskog kantona;
6. Prijedlog Zaključka o davanju saglasnosti Ministarstvu za obrazovanje, nauku, kulturu i sport za isplatu sredstava sa pozicije "Transfer za ustanove kulture" za treću ratu u 2012. godini.

### **Četvrta tačka dnevnog reda**

Obrazloženje za ovu tačku dnevnog reda dao je Ministar Ministarstva za rad, socijalnu politiku i izbjeglice.

Vlada je jednoglasno donijela Zaključak kojim se daje saglasnost Catholic Relief Services Sarajevo (CRS) da neutrošena sredstva iz zajednički finansiranog projekta „Trajna rješenja za korisnike kolektivnih centara i alternativnih smještaja u BiH“, u iznosu od 11.258,00 KM (slovima: jedanaest hiljad i dvjesto i pedeset osam konvertibilnih maraka) utroše za nabavku sjemenskog materijala i đubriva za potrebe povratnika na područje općine Zenica.

Neurošena sredstva iz tačke I. ovog zaključka već su odobrena kao dio sredstava za realizaciju navedenog projekta Odlukom Vlade Zeničko-dobojskog kantona broj: 02-14-4377/10 od 12.02.2010. godine.

Sjednica je prekinuta u 13<sup>58</sup> sati.

### **Nastavak 57. sjednice Vlade Zeničko-dobojskog kantona 20.03.2012. godine**

Članovi Vlade Zeničko-dobojskog kantona nastavili su diskusiju po prvoj tački dnevnog reda.

Sjednica je prekinuta u 9<sup>48</sup> sati.

### **Nastavak 57. sjednice Vlade Zeničko-dobojskog kantona 22.03.2012. godine**

#### **Prva tačka dnevnog reda**

Obrazloženje za ovu tačku dnevnog reda dala je Ministrica Ministarstva finansija.

U diskusiji su učestvovali: Premijer Zeničko-dobojskog kantona, Ministar Ministarstva za privredu, Ministar Ministarstva za poljoprivredu, šumarstvo i vodoprivredu, Ministar Ministarstva za pravosuđe i upravu, Ministar Ministarstva unutrašnjih poslova, Ministar Ministarstva za rad, socijalnu politiku i izbjeglice, Ministrica Ministarstva za obrazovanje, nauku, kulturu i sport, Ministrica Ministarstva zdravstva, Ministar Ministarstva za prostorno uređenje, saobraćaj i komunikacije i zaštitu okoline, Ministar Ministarstva za boračka pitanja, Sekretar Sekretarijata za zakonodavstvo i Sekretar Vlade.

Vlada Zeničko-dobojskog kantona je sa deset glasova ZA i jednim glasom PROTIV donijela zaključak kojim se utvrđuje Prijedlog Budžeta Zeničko-dobojskog kantona za 2012. godinu, i isti upućuje u dalju skupštinsku proceduru.

Vlada je jednoglasno donijela i slijedeći Zaključak :

(1) Obavezuje se Ministarstvo finansija Zeničko-dobojskog kantona da početkom svakog mjeseca utvrdi plan novčanih tokova budžeta Zeničko-dobojskog kantona, a uzimajući u obzir

usvojeni Budžet Zeničko-dobojskog kantona za 2012. godinu i izvršenje priliva za prethodni mjesec, te da isti dostavi Vladi Zeničko-dobojskog kantona na razmatranje i potvrdu.

(2) Nakon razmatranja plana novčanih tokova Vlada Kantona će utvrditi ukupan nivo do kojeg će se odobriti mjesečni operativni budžeti svim budžetskim korisnicima.

Vlada Kantona će u skladu sa tačkom I. ovog zaključka, svakog mjeseca utvrđivati osnovicu za obračun plaće.

(1) Obavezuju se svi budžetski korisnici da u skladu sa utvrđenim mjesečnim planom novčanih tokova sačine prijedlog operativnog budžeta i isti dostave Ministarstvu finansija.

(2) Budžetski korisnici u mjesečni operativni plan unose rashode po osnovu otplate kredita, otplate kamata, namjenskih sredstava, vlastitih sredstava, primljenih tekućih transfera/donacija i zakonskih transfera - maksimalno do iznosa planiranog Budžetom za 2012. godine.

(3) Materijalne troškove osim fiksnih troškova, te tekuće i kapitalne transfere budžetski korisnici unose u skladu sa odobrenim nivoom operativnih planova.

(4) Zadužuju se budžetski korisnici da uzimajući u obzir Program mjera štednje preispitaju mogućnosti smanjenja fiksnih troškova.

Nakon razmatranja mjesečnih operativnih planova dostavljenih od strane budžetskih korisnika, Ministarstvo finansija će iste odobriti, ukoliko su u skladu sa ovim zaključkom.

(1) Budžetskim korisnicima nije dozvoljeno da stvaraju obaveze, odnosno rashode ili opterećenja budžetskih pozicija, ako ti rashodi ili opterećenja budžetskih pozicija nisu odobreni u okviru iznosa alociranog za tog budžetskog korisnika.

(2) Rashodi svakog budžetskog korisnika ne mogu prelaziti iznose alociranih budžetskih sredstava odobrenih za svaki mjesec, osim uz saglasnost Ministarstva finansija.

Ministrica finansija ima pravo rješenjem obustaviti od izvršenja odluku koja je u suprotnosti sa Zakonom o budžetima u Federaciji BiH, Zakonom o izvršavanju budžeta Zeničko-dobojskog kantona za 2012. godinu i ovim zaključkom.

### **Druga tačka dnevnog reda**

Obrazloženje za ovu tačku dnevnog reda dala je Ministrica Ministarstva finansija.

U diskusiji su učestvovali: Ministar Ministarstva za poljoprivredu, šumarstvo i vodoprivredu, Ministrica Ministarstva za obrazovanje, nauku, kulturu i sport, Ministar Ministarstva za prostorno uređenje, saobraćaj i komunikacije i zaštitu okoline, Ministar Ministarstva za boračka pitanja, Sekretar Sekretarijata za zakonodavstvo i Sekretar Vlade.

Vlada Zeničko-dobojskog kantona je jednoglasno donijela Zaključak kojim se utvrđuje Prijedlog Zakona o izvršavanju Budžeta Zeničko-dobojskog kantona za 2012. godinu, i isti upućuje u dalju skupštinsku proceduru.

### **Treća tačka dnevnog reda**

Vlada je jednoglasno donijela Zaključak kojim se utvrđuje Izvještaj o radu Vlade Zeničko-dobojskog kantona za 2011. godinu, i isti upućuje u dalju skupštinsku proceduru.

### **Peta tačka dnevnog reda**

Obrazloženje za ovu tačku dnevnog reda dao je Premijer Zeničko-dobojskog kantona.

Vlada je jednoglasno donijela Zaključak kojim se daje saglasnost na Odluku o izmjenama i dopunama Pravilnika o unutrašnjoj organizaciji i sistematizaciji radnih mjesta u Stručnoj službi Zavoda zdravstvenog osiguranja Zeničko-dobojskog kantona broj: 01-34-878/12 od 10.02.2012. g.

### **Šesta tačka dnevnog reda**

Obrazloženje za ovu tačku dnevnog reda dala je Ministrica Ministarstva za obrazovanje, nauku, kulturu i sport.

Vlada je jednoglasno donijela Zaključak kojim se daje saglasnost Ministarstvu za obrazovanje, nauku, kulturu i sport za isplatu sredstava sa pozicije "Transfer za ustanove kulture" za treću ratu u 2012. godini u iznosu od 226.773,24, a odobrena sredstva će se isplatiti po osnovu Odluke o privremenom finansiranju Zeničko-dobojskog kantona za period januar-mart 2012. godine ("Službene novine Zeničko-dobojskog kantona", broj 17/11), razdjel 22, budžetska organizacija 01, ekonomski kod 614100, subanalitika MAD 101, pozicija "Transfer za ustanove kulture" i koristit će se za isplatu plaća i toplog obroka za 15 ustanova kulture, i to:

- Muzej grada Zenice, Muzej Tešanj i Zavičajni muzej Visoko,
- Bosansko narodno pozorište Zenica,
- jedanaest javnih biblioteka na području Kantona.

Raspodjela sredstava ustanovama kulture izvršena je na osnovu:

- osnovice od 432 KM,
- toplog obroka od 8 KM,
- broja zaposlenih radnika,
- minulog rada zaposlenih,
- koeficijenata vrijednosti pojedinih poslova kako slijedi u tabeli:

R/b	P o s l o v i	Koeficijent
1.	Poslovi čišćenja i posluživanja, kućepazitelja-portira, dostavljača pošte, gardarobera, rekvizitera, ložača, daktilografa, biletara.	<b>1,00</b>
2.	Poslovi noćnog čuvara.	<b>1,06</b>
3.	Administrativno-računovodstveni i sl. tehnički poslovi, poslovi održavanja, tehnički poslovi održavanja, tehnički poslovi izvođenja predstave, (tehn. sekretar, računovođa, šef bine, scenski električar, inspicijent, dekorater, vlasuljar, šminker, krojač, stolar, propaganda i sl.).	<b>1,23</b>
4.	Glumac početnik, knjižničar (SSS).	<b>1,41</b>
5.	Šef računovodstva, rukovodilac odjeljenja (VŠ).	<b>1,47</b>
6.	Glumac sa iskustvom a bez akademskog zvanja, viši knjižničar.	<b>1,70</b>
7.	Režiser, bibliotekar, kustos muzeja, scenograf, dramaturg, glumac, (VSS).	<b>1,99</b>
8.	Umjetnički rukovodilac, rukovodilac službe, viši-kustos, glumac prvak drame, prvak baleta, opere i sl.	<b>2,14</b>
9.	Direktor ustanove	<b>2,28</b>

Distribucija sredstava iz člana I. ovog zaključka vršit će se u iznosima i dinamikom kako je navedeno u slijedećoj tabeli:

<b>Br.</b>	<b>Ustanova</b>	<b>Iznos sredstava za treću ratu (KM)</b>
1.	JU Gradska biblioteka Kakanj	9.773,21
2.	JU Opća biblioteka Tešanj	11.177,43
3.	JU Javna biblioteka Zavidovići	11.430,89
4.	JU Opća biblioteka "Narodna biblioteka" Maglaj	8.377,06
5.	Gradska biblioteka Olovo	3.639,88
6.	Opća biblioteka Žepče	5.036,94
7.	Opća biblioteka Zenica	30.130,70
8.	Opća biblioteka "Muhamed Kantardžić" Breza	5.899,03
9.	JU Gradska biblioteka Visoko	12.323,10
10.	JU Opća biblioteka Vareš	6.512,45
11.	Opća knjižnica Usora	3.749,06
12.	Bosansko narodno pozorište Zenica	89.298,40
13.	Zavičajni muzej Visoko	7.602,84
14.	Muzej grada Zenice	16.269,84
15.	Muzej Tešanj	5.552,41
	<b>Ukupno</b>	<b>226.773,24</b>

Odobrena, a realizovana sredstva po ovom osnovu, navedena u tački III. ovog zaključka, uzet će se u obzir prilikom izrade Programa utroška budžetskih sredstava namijenjenih za poziciju "Transfer za ustanove kulture".

Za distribuciju sredstava korisnicima zadužuje se Ministarstvo finansija i Ministarstvo za obrazovanje, nauku, kulturu i sport Zeničko-dobojskog kantona svako u okviru svojih nadležnosti.

Korisnici sredstava namijenjenih za ovaj transfer dužni su resornom ministarstvu dostaviti izvještaj o namjenskoj upotrebi odobrenih sredstava, kao i o postignutim rezultatima i aktivnostima koje su tim sredstvima finansirane.

Izvještaje o utrošku sredstava Ministarstvo za obrazovanje, nauku, kulturu i sport dužno je dostavljati Vladi Zeničko-dobojskog kantona i Ministarstvu finansija Zeničko-dobojskog kantona.

Premijer Zeničko-dobojskog kantona je zaključio sjednicu u 12<sup>41</sup> sati.

**SEKRETAR VLADE**

*Berjana Ačkar*

**PREMIJER**

*mr.sci. Fikret Plevljak, dipl.ing.*

**ZAPISNIČAR**

*Azra Smailbegović-Đuherić*